



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. IX. An herba Metallum dici possit? Plinii locus notatur, & explicatur.

urn:nbn:de:hbz:466:1-13245

genus trajectiones notavit? Nimis profecto hic præceps in summi auctoris reprehensionem *Scaliger*. ut & isto ejusdem libri & capitis loco: *Inter eam (vesicam) & alvum, arteriae ad pubem tendentes, quæ Ilia appellantur.* Ibi & *Plinium castigat*, ceu *ilia* arterias esse putaverit, ego codicem *ilia pro iliaca*, una syllaba extrita. Hoc quoque *Scaliger* visum animadversione dignum quod ait, epiglosside operiri arteriam in epulando. Sane (inquit *Scaliger*) in omni deglutitione etiam *Saliva*. Quasi ex eo usu, quem epiglossis inter epulandum præbet, & hic in *Salivæ* deglutitione, non facile intelligatur; eadem quippe ratio.

CAPUT IX.

An herba Metallum dici possit? Plinii locus notatur, & explicatur.

Plinius de saliunca herba tradens lib. 21. cap. 7. his verbis utitur: *Pannonia hanc gignit & Norici Alpiumque aprica: Urbium Eporrhedia, tantæ suavitatis, ut metallum esse cœperit.* Admiratur Hofmannus non incelebris e Germania Medicus & scriptis clarus, *Variarum Lectionum* cap. 3. quomodo herba *metallum* dici possit: propositisque vulgatis metalli acceptionibus, nulla reperta, quæ ad rem faciat, ad τὸ ἔτυμον configuit. Nam μέταλλον, inquit αὐτὸ τῷ μεταλλεῖν, quod est querere. Quare in propria significatione *metallum* dicetur, quocunque studiose queritur ob usum aliquem in vita humana. Ita hunc Plinii locum interpretatur, ceu velet Saliuncam ob suavitatem odoris cœpisse diligenter inquiri. Et hoc quidem satis probabiliter vir ille eruditus. cæterum semota hac contemplatione grammatica, non ra-

re

ro apud Græcos autores, nomen hoc; metallum inquam, pro quacumque utili herba usurpatum videri potest; ut apud Plutarchum in convivio Septem Sapientum, ubi quendam sic loquentem inducit: Θαυμάζω δέ σου τὸν ξένον, ὁ Σόλων, εἰ Δηλίοις ἐναγχθεὶς ποιησάμενος τὸν μέγαν καθαριὸν, ἔχοντος πάρ' αὐτοῖς εἰς τὸ ιερὸν κομιζόμενα τῆς περιτῆς ὑπομνήματα τροφῆς, καὶ δείγματα μετάλλων ἐντελῶν καὶ αὐτοφυῶν, μαλώχην καὶ αὐτόφερον. Ego vero, o Solon, admiror hospitem tuum si cum nuper Deliis magnam expiationem perfecerit, apud eos monumenta primi mortalium vietus non vidit, cum in templum importarentur, ac vilium & sponte nascentium specimina metallorum, malvam & asphodelum. Ubi expresse μέταλλον de terra nascentibus usurpatum liquet. At enim vero Guyetus emendat hunc locum, & pro μετάλλων, dictionem dividens, μετ' ἄλλων legit. Esto. quid Galeno faciemus, qui comment. 2. in librum Hippocratis de Natura Humana, non obscure id ipsum insinuat? καὶ μάλιστα ἀνέμπειρος τῆς ισορούμένης ψλήσεως, ὡστερὲ Εὐδημος οὐδὲ καὶ Ηρόφιλος ἀνατομῆς. Κρατεύας δὲ καὶ Διοσκορίδης τῶν μεταλλικῶν Φαρμάκων. Qui si locus Galeni integer est, metallicorum etiam appellatione non modo, quæ proprie metallica & fossilia dicuntur, sed etiam stirpium, quarum est in medicina usus, naturas comprehendi fatendum erit. Nam Crateuæ quidem herbis vestigandis ac radicibus secundis industriam olim laudatam constat: Dioscorides autem licet universam materiam medicam tractare aggressus, nullam ejus partem intactam reliquit, neque proinde metallica omisit, hanc tamen partem, quæ plantarum genera & vires exponit, latius & diligentius exsecutus videtur. Sed vereor, ut satis integer sit is Galeni locus: & profecto quædam videntur deesse, quibus amissis, quod erat in contextu ultimum, mansit. Hoc si recipimus, vel standumerit ei expositioni, quam dat Hofmannus: aut dicemus metallum ibi a Plinio sumptum esse pro vectigali & reditu, quod

quod publici multarum civitatum redditus e metallis caperentur: ut olim apud Athenienses, teste Aristophane in *Vespis* in hac enumeratione,

Προταρεῖα μέταλλ' ἀγορὰς, λιμένας, μισθὸς, καὶ δημιόπες α.
Τούτων πλήρωμα, τάλαντ' ἐγὼ διχίλια γίνεται ήμιν.

CAPUT. X.

Solonis *versus* quo se ajebat semper aliquid addiscen-
tem senescere, & quid de senili studio Plato sen-
serit.

Sinteralia commendata in Solonis elegis, hic
versus in primis fertur,

Ἄτει γηράσκω πολλὰ διδασκόμενος.

Quo significabat senescere se multa in dies
addiscensem: ita enim Cicero in Dialogo de
Senectute hunc versiculum interpretatur. censetque plane
juxta hanc sententiam, manere ingenia senibus, modo per-
maneat studium & industria. Proponit etiam hoc dictum
Plato in eo dialogo, qui inscribitur *Laches*: Εἰς τὸν ἔπειτα
Σίου προμηθέερον ἀνάγκη εἶναι τὸν ταῦτα μὴ φεύγοντα, αλλ᾽
ἴθελοντα κατὰ τὸ Σόλωνος, καὶ αξιοῦντα μανθάνειν, ἐωσπερ
ἄν ζῆ, καὶ μὴ διόμενον ἀντῷ τὸ γῆρας νοῦν ἔχον προστίεναι.
Quibus verbis hujus Solonis propositi rationem reddit: nem-
pe ideo semper esse discendum, studendumque, quandiu
vivimus, quia Senectus mentem secum non affert homi-
bus, sed potius aufert. Quo & illud Poëtæ, pertinet:

Omnia fert atas, animum quoque.

Statim quippe memoriam, maxime necessarium discenti-
bus bonum labefactat, atque ita oblivionem inducit, ad-
versus quam studio & industria pugnandum est. Ceterum